

Ленин туы

ҚК(б)П Солтүстік Қазақстан Облыстық Кеңестің, еңбекшілер депутаттарының Облыстық Кеңестің және ҚК(б)П Петропавл қалалық кеңестің органы

Комсомолецтер мен жастар! Соғыс кезіндегі үшінші көктемгі егіске мүлтіксіз әзірленіп, оны үлгілі өткізуде, сөйтіп быйыл егіннен негұрлым мол өнім алуда қажірлі еңбек істеп, ҚК(б)П облыстық комитеті мен еңбекшілер депутаттары облыстық кеңесінің ауыспалы Қызыл туына ие болу үшін күресіндер.

КОЛХОЗДЫ АУЫЛ-ДЕРЕВНЯ ЖАСТАРЫ, СОЦИАЛИСТІК ЖАРЫСҚА ҚОСЫЛЫҢДАР!

ҚК(б)П обкомі мен облыстық кеңестің атқару комитетінде

944 ЖЫЛЫ КӨКТЕМГІ ЕГІСКЕ ДАЯРЛАНУ ЖӘНЕ ОНЫ ӨТКІЗУДЕ ОБЛЫС КОМСОМОЛЕЦТЕРІ МЕН ЖАСТАРЫ АРАСЫНДА СОЦИАЛИСТІК ЖАРЫСТЫ ӨРІСТЕТУ ТУРАЛЫ

Көктемгі егіске ойдағыдай даярлану және оны агротехникалық жақтары дәрежеде, қысқа мерзімде өткізу мақсатымен, ҚК(б)П обкомінің бюросы мен облыстық кеңестің обкомі ҚЛКЖС обкомінің, ҚК(б)П және ҚЛКЖС аудандық комитеттерінің, астауыш партия, комсомол ұйымдарын ауыл-село жастары арасында социалистік жарысты кеңінен өрістетеуге міндеттеді.

Социалистік жарыста үздік шыққандарға тапсыру үшін облыстық партия комитеті мен еңбекшілер депутаттары облыстық кеңесінің ауыспалы төрт Қызыл туы белгіленді, йұл Қызыл тулар:

а) облыста социалистік жарыста бірінші орынға ие болған аудандық комсомол ұйымына;

б) комсомолецтер мен жастардың әндірістік жұмысында жақсы нәтижеге жеткен колхоз, совхоз бастауыш комсомол ұйымына;

в) өндіріс жұмысында ерекше жоғары нәтижеге жеткен комсомол-жастар трактор бригадасына;

г) агротехниканың барлық ережесін қолдана отырып егісті қысқа мерзімде өткізген комсомол-жастардың мол өнімшілер звеносына тапсырылатын болды.

Обком бюросы мен облыстық кеңес аткомі жарыс шарттарын бекітті.

Көктемгі егіске даярлану және оны өткізуде көрнекті жұмыс нәтижесіне ие болған ауыл шаруашылығының озат жастарына тапсыру үшін облыстық партия комитеті мен

облыстық кеңестің хұрмет грамотасы белгіленді. ҚК(б)П обкомі мен облыстық кеңестің ауыспалы Қызыл туы мен хұрмет грамотасын облыстық комиссия аудандық партия комитеттерінің, еңбекшілер депутаттары аудандық кеңестерінің, ҚЛКЖС облыстық, аудандық комитеттерінің ұсынуы бойынша тапсырады.

Ауыл шаруашылығы озаттарына сыйлық беру үшін облыстық бюджеттен ақшадай 20 мың сомдық сыйлық қоры бөлінеді.

Жастардың социалистік жарысының барысына басшылық жасау және Қызыл туларды, грамоталар мен сыйлықты тапсыру үшін мына жолдастардан облыстық комиссия құрылды: ҚК(б)П обкомінің секретарі Конин жолдас (председатель), ҚЛКЖС обкомінің секретарі Жайсаков жолдас (председательдің орынбасары), облыстық кеңес аткомі председателінің орынбасары Скворцов, облыстық жер бөлімінің бастығы Штифанов, астық совхоздары тресінің директоры Вяткин, ҚК(б)П обкомі ауыл шаруашылық бөлімінің меңгерушісі Федотов, ҚЛКЖС обкомінің, шаруа жастары бөлімінің меңгерушісі Глушенко жолдастар.

ҚК(б)П обкомінің бюросы мен облыстық кеңес аткомі облыстық, аудандық газеттердің редакторлары мен облыстық радио комитетін ауыл-село жастары социалистік жарысының барысын баспасөзде және радио арқылы кеңінен жариялауға міндеттеді.

ҚК(б)П обкомі мен еңбекшілер депутаттары облыстық кеңесінің ауыспалы Қызыл туын облыста социалистік жарыста үздік шыққан аудандық комсомол ұйымының алу

ШАРТЫ

ҚК(б)П обкомі мен еңбекшілер депутаттары облыстық кеңесінің ауыспалы Қызыл туы мынадай нәтижеге ие болған аудандық комсомол ұйымына тапсырылады:

1. Көктемгі егіске даярлану және өткізу ісіне аудан комсомол-жастарының 75 процентінің белсене қатысуына жетіскен.

2. Колхоздардың, совхоздар мен МТС-тардың комсомол ұйымдары, комсомол-жастардың трактор бригадалары, мол өнімшілер звенолары арасында және жастардың өзара социалистік жарысын ұйымдастырып, көктемгі егіске комсомол-жастар мен жастардың жұмыста өндірістік жақтарына ие болған

3. МТС-та кемінде 2—3 комсомол-жастар трактор бригадасы мен әр колхозда бір мол өнімшілер звеносын ұйымдастырып, булардың жұмысында жоғары нәтижеге ие болған.

4. Мәдениет бригадаларының концерт беруі, дауыстап газет-журналдар оқуы, әңгімелер өткізуі арқылы көктемгі егіс жұмыстары кезінде жастар мен барлық колхозшыларды мәдениетті қамту ісін ұйымдастырып, колхоздарға, егіс бригадаларына газеттердің, жауынгерлік листоктардың, көркем әдебиет кітаптарының дер кезінде жеткізілуін қамтамасыз етіп, колхоздың әрбір бригадасында табыс тақталарын ұйымдастырған.

ҚК(б)П обкомі мен еңбекшілер депутаттары облыстық кеңесінің ауыспалы Қызыл туын комсомол-жастардан құралған мол өнімшілер звеносының алу

ШАРТЫ

ҚК(б)П обкомі мен еңбекшілер депутаттары облыстық кеңесінің ауыспалы Қызыл туы мынадай нәтижеге ие болған комсомол-жастар мол өнімшілер звеносына тапсырылады:

1. Мол өнімшілер звеносының мүшелері арасында және өз колхозының немесе көршілес колхоздың басқа звеносымен социалистік жарыс ұйымдастырған.

2. Звеноға бекітіліп берілген барлық егіс алаңына қар тоқтау жұмысын жүргізіп, егіс жеріне кемінде 50 сантиметр қалыңдықта қар тоқтатқан.

3. Өзінің егіс учаскесіне мынадай жергілікті тыңайтқыш заттар: кемінде 10 гектар жерге көң, 5—6 гектар жерге күл және күе қыялып тасыған.

4. Өз учаскесінде жерді тұқым себе алдында бороналап, культивациялаған.

5. Агротехника талабын мүлтіксіз орындай отырып, егісті 10 жұмыс күні ішінде өткізген.

6. Дәнді егіннің арам шөбін екі рет отап, егіннің қатар аралығын екі рет өңдеу ісін қамтамасыз ет-

кен. 7. Егін соғу жұмысын ешбір ырапсыз, белгіленген мерзімде өткізген.

8. Дәнді егіннің әр гектарынаан—15 центнер, картофтан 120 центнер, күнбағыстан—12 центнер, зығырдан—8 центнер, кендірден—10 центнер, екі жылдық көк сағыздан кемінде 10 центнер, бір жылдық көк сағыз егісінен 8 центнер өнім алған.

9. Звено мүшелері арасында агротехникалық оқу өткізген.

10. Таңдаулы комсомол-жастардың күшімен үнемі әңгімелер, дауыстап газет оқу ісін өткізіп, газет журналдарды звеноға мезгілінде жеткізген, қабырға газеттері мен жауынгерлік листоктарды үздіксіз шығарған.

11. Көктемгі егіске даярлану және өткізу кезінде звено мүшелерінің кемінде 10 күнде бір рет кеңесін өткізіп, онкүндікте істелген жұмыстың қортындысын шығарған, үлгілі тәртіп орнатып, бригадалардың барлық мүшелерінің іскерлігі мен тәртіптілігін арттырған.

ҚК(б)П обкомі мен еңбекшілер депутаттары облыстық кеңесінің ауыспалы Қызыл туын комсомол-жастар трактор бригадасының алу

ШАРТЫ

ҚК(б)П обкомі мен еңбекшілер депутаттары облыстық кеңесінің ауыспалы Қызыл туы мынадай нәтижеге ие болған комсомол-жастар трактор бригадасына тапсырылады:

1. Бригаданың барлық мүшелері арасында және екінші бір комсомол жастар трактор бригадасымен социалистік жарыс ұйымдастырған.

2. Бригаданың тракторлары мен ауыл шаруашылық құрал-саймандарының ремонтын кемінде «жаксы» деген бағамен 1944 жылғы 20 мартқа дейін толық аяқтаған.

3. Бригаданың барлық трактористерін абзелдердің бәрімен, хажетті жабдықтар: май құятын аспаптар, шелектер, бөшкелермен қамтамасыз еткен.

4. Бригада да тракторлар мен ауыл шаруашылық құрал-саймандарында жағдайында МТМ-лардың механиктері мен жұмысшыларының қатысуымен ремонттау үшін әрбір тракторшының егіс басталғанға дейін слесарьдың, мышының, темір ұстаының мамандығын меңгеруіне жеткен. Тракторлар мен ауыл шаруашылық құрал-саймандарын ойдағы-

дай баптап-күткен. Бригада да трактористер мен принципчиктердің тракторды жүргізу өнерін меңгеруі жөнінде техникалық оқуын ұйымдастырған.

5. Бригаданың барлық трактористері мен принципчиктерінің агротехника оқуын ұйымдастырған. Егісті агрономиялық ережені толық қолданумен өткізген.

6. Көктемгі егісті 10—12 жұмыс күнінде аяқтаған. Егіс жұмысын сапалы өткізіп, тұқым сеппішке астық салғанда және оны тасығанда астықты ысыраппақ ұшыратпаған.

7. Көктемгі егіс кезінде 15 күшті трактормен кемінде 120 гектар жер жыртыған.

8. Әрбір трактористің кемінде 15 процент жанар және жағар майды үнемдеуіне жеткен.

9. Бригада мүшелерін газеттермен, кітаптар және музыка құралдарымен қамтамасыз етіп, күн сайын саяси информация, газет оқу ісін ұйымдастырған. Қабырға газеттері мен жауынгерлік листоктар шығарып, бригада мүшелері арасында үлгілі тәртіп орнатқан.

КК(б)П обкомі мен еңбекшілер депутаттары облыстық кеңесінің ауыспалы Қызыл туын колхоз, совхоз бастауыш комсомол ұйымының алу ШАРТЫ

КК(б)П обкомі мен еңбекшілер депутаттары облыстық кеңесінің ауыспалы Қызыл туы мынадай нәтижеге е болған комсомол ұйымына тапсырылады:

1. Көктемгі егіске даярлану және оны өткізуде колхоздың немесе совхоздың барлық комсомолецтері мен комсомолда жоқ жастарының өндіріс жұмысының шешуші учаскелеріне белсене қатысуын қамтамасыз етіп, егісті ойдағыдай өткізуде колхоз басқармасына немесе совхоз дирекциясына нақтылы көмек көрсетіп, комсомолецтердің және жастардың күшімен көктемгі барлық даңқжұмыстарының кемінде 75 процентін орындаған.

2. Егіннен мол өнім алу жөнінде комсомолец-жастардан звено ұйымдастырып, барлық агротехника ережесін мүлтіксіз қолдана отырып, олардың көктемгі егіс жұмыстарына ысқа мерзімде жеткізілуіне жеткен.

3. Мәдениет бригадаларын ұйым-

дастыру, олардың егіс басында концент, көркем өнер кешін, дауыстап газет оқуы, әңгіме өткізуі, қабырға газеттері мен жауынгерлік листоктар шығаруы арқылы көктемгі егіс кезінде жастар мен барлық колхозшыларды мәдениетті қамту ісін ұйымдастырған. Табыс тақталарын ұйымдастырып, газет-журналдардың, көркем әдебиет шығармаларының дер кезінде жеткізілуін қамтамасыз еткен. Сталин оқолдастың «Кеңестер Одағының ұлы отан соғысы» туралы кітабын және ағымдағы саясат мәселелерін жастардың көктемгі егіс кезінде үйірмелерде оқып-үйренуі ісін ұйымдастырған.

4. Комсомолецтер мен жастар және барлық колхозшылар мен совхоз жұмысшылары арасында социалистік жарысты өрістетіп, әрбір комсомолец пен жас колхозшының күнделікті жұмыс тапсырмасын 150—200 процент орындауына жеткен.

Халықаралық әйелдер күніне арналған салтанатты жыйылыс

8 март күні кешке, облыстық драма театрында халықаралық әйелдер күніне арналған салтанатты жыйылыс болып өтті. Жыйылысқа партия, кеңес, комсомол, профсоюз және басқа қоғам ұйымдарының өкілдері қатысты.

Салтанатты жыйылысты КК(б)П обкомының әйелдер арасында жұмыс жүргізу бөлімінің меңгерушісі Дульгина жолдас ашты.

Жыйылыстың президиумында — КК(б)П обкомының секретарьлары Юнин, Пильгук, облыстық кеңес атқару комитетінің председателі Юльков, КК(б)П қалалық комитетінің секретарі Дегтяренко, қалалық кеңес атқару комитетінің председателі Порфирьев, ет комбинатының Ленин орденді қызметкері З. Табылдинова және басқа жолдастар болды.

Хұрметті президиумға Жоғарғы бас қолбасшы Кеңестер Одағының Басшысы Сталин жолдас бастаған КК(б)П Орталық Комитеті саясат-тық бюросының мүшелерін сайлау жөніндегі ұсынысты жыйыналғандар у қол шапалақтаумен қарсы алды. Үйікті көсеміміз Сталин жолдасының есімі аталғанда жұрт ұзақ қол шапалақтап, үлкен хұрмет көрсетті.

КК(б)П облыстық комитеті мек-пел бөлімінің меңгерушісі Яворская жолдас халықаралық әйелдер күні

8 март туралы баяндама жасады.

—Кеңес әйелдері мен бүкіл хал-

баяндамашы, —неміс басқыншыларға қарсы күресте батыр Қызыл Армиямыз тамаша жеңістерге жеткен тарихи кезеңде өткізіп отыр. Кеңес әйелдері Отанымыздың бостандығы мен тәуелсіздігін қаһармандықпен қорғауда. Кеңес әйелдері отан соғысы майдандарында да, тылда да Отанымызға шексіз берілгендігін көрсетті.

Сан мындаған кеңес әйелдері неміс басқыншыларға қарсы күресте қаһармандық, батырлық көрсеткені үшін ордендермен және медальдармен наградталды.

Қазақ халқының ардагер қызы, аға сержант Мәншүк Мәметова ежелгі Невель қаласын азат ету ұрыстарында қаһармандық көрсетті. Қазақ халқының ардагер қызы Мәншүк Мәметоваға Кеңестер Одағының Батыры атағы берілді.

Мындаған кеңес әйелдері жараланған жауынгерлер мен командирлердің өмірін сақтауда. Әйелдер майданға кеткен ерлерінің, әкелерінің, аға-індерінің орнына өндірісте еңбек істеп, күрделі мамандықтарды меңгеруде. Жеңіс күнін жақындату үшін әйелдер барлық күш-қайратын жұмсауда.

Жыйылысқа қатынасушылар зор қуанышпен кеменгер көсеміміз Сталин жолдасқа құттықтау телеграм-ма қабылдады.

Салтанатты жыйылысқа қатысушылар жыйылыстан кейін «Қайық-шы қыз» постановкасын көрді.

Ұлт кадрлары дайындалды. Жаңа агрегаттарды игеруде Доңбас пен Оралдың металлургтері зор көмек көрсетуде.

Өзбекстанның металлургия заво-ды өз республикасын металмен жабы-дықтап неміс-фашист басқын-шыларға қарсы отан соғысында Өз-бекстанның атқаратын ролін бұ-рынығыдан да арттыра түсті.

(ТАСС).

КЕҢЕС ИНФОРМБЮРОСЫНАН

7 МАРТТАҒЫ ҰРЫСТАР МӘЛІМЕТІНЕН

7 мартта 1-УКРАИН майданының әскерлері шабуылды өрістете отырып, Тарнополь облысының аудан орталығы — ПОДВОЛОЧИСК қаласы мен үлкен темір жол станциясын, Каменец-Подольск облысының СТАРАЯ СИНЬВА аудан орталығын алды, сол сияқты ұрыспен 200ден аса басқа елді пунктті, оның ішінде РИДОМЛЬ, СВИНЮХИ, СТАРЫЙ ОЛЕКСИНЕЦ, ДОБРОВОДЫ, ИГРОВИЦА, КЛЕВАНОВКА, КОРШИЛОВКА, ВЕРЕОВЦЫ, БОЛЬШЕ ПУЗЫРЬ-КИ, ГРАЧИ, ЗЕЛЕНЦЫ, ЖАБЧЕ, САМЧИКИ, СВИННАЯ, ЛАДЫГИ, ЛАЖАВА, ДЕСТЕРОВКА, ПАСЕЧНА, ИВКИ, ТЕРЕШПОЛЬ, КАЧАНОВКА, СКАРЖИНЦЫ, БЕСПЕЧНА елді пункттері мен ЧЕТЫРБОКИ, БОЛЬШЕ ПУЗЫРЬКИ, ЛАЖА-ВА темір жол станцияларын алды. Шабуылымыздың бірсыпыра учаскелерінде дұшпан жаяу әскерлерінің және танктерінің ірі күшімен қарсы атакаға шык-ты, алайда, жау адам күші мен техникасы жағынан орасан көп шығынға ұшыратылып, оның қарсы атакалары тойтарылды.

Майданның басқа учаскелерінде барлау жүргізілді және бірсыпыра пун-кттерде жергілікті маңызы бар ұрыстар болды.

8 мартта әскерлеріміз барлық майдандарда немістердің 78 танкін қый-ратты, жойды. Әуе ұрыстарында және зенит артиллериясымен дұшпанның 71 самоләті атып түсірілді.

8 МАРТТАҒЫ ҰРЫСТАР МӘЛІМЕТІ

8 мартта 1-УКРАИН майданының әскерлері шабуыл жасай отырып, Каменец-Подольск облысының ЧЕРНЫЙ ОСТРОВ аудан орталығын алды, сол сияқты ұрыспен 100ден аса басқа елді пунктті, оның ішінде ЗАХАРОВ-ЦЫ, ГРУЗЕВИЦА, БОЛЬШЕ ЖЕЧЕ, МАЛЫЕ ЗОЗУЛИНЦЫ, ТЕРЕШКИ, МАЗ-ПИНЦЫ, ВОЛОСОВЦЫ, ПИЛЯВА, ЛИПАНОВЦЫ, БУГЛАЙ, ТЕЛИЖИНЦЫ, БОЙ-ТОВЦЫ, САЛЬНИЦА, МОРОЗОВКА, МАРКУШИ үлкен елді пункттерін алды. Әскерлеріміз СТАРО-КОНСТАНТИНОВ қаласына жақын келіп, қаланың шет аймақтарында ұрыстар шиеленістірді.

Майданның басқа учаскелерінде барлау жүргізілді және бірсыпыра пункттерде жергілікті маңызы бар ұрыстар болды.

7 мартта әскерлеріміз барлық майдандарда немістердің 71 танкін қый-ратты, жойды. Әуе ұрыстарында және зенит артиллериясымен дұшпанның 98 самоләті атып түсірілді.

1-Украин майданының әскерлері ша-буыл жасауда болды. Дұшпан жаяу әс-керлері мен танктерінің ірі күштерін асығыс алып келіп, әлде неше рет қарсы атакаға шықты. Танктеріміз бен жаяу әскерлеріміз неміс әскерлерін қуып тастады да жауға өкпе тұстан қауырт соққы беріп, Каменец-Подольск облысының Черный Остров аудан орталығын және Черный Остров үшін болған ұрыста не-містердің екі полк жаяу әскері талқан-далды. Дұшпаннан көп зеңбірек, миномет, жаяу әскер қару-жарағы, өкдері, азық-түлік және соғыс мүлкі қойылған бірне-ше ірі складтар қолға түсірілді. Кеңес бөлімдерінің соққысы астында кері шегі-ніне отырып, немістер батпаққа батқан танктерін, зеңбіректерін мен автомашина-ларын қалдыруда. Әсеріс дұшпан әскер-лерінің аса маңызды базасына айналған Старо-Константинов қаласы ауданында кес-кілескен ұрыстар болды. Немістер Ше-петовка—Ста-о-Константинов тас жолы учаскесінен қайткенде айрылып қалмауға тырысты. Әскерлеріміз немістерге өкпе тұстан соққы берді де дұшпанның осы маңда қыймыл жасай жүрген әскер топ-тарын негізгі күштерінен бөліп тастады, сөйтіп оны жойды. Кеңес бөлімдері ше-берлікпен маневр жасай отырып, түс-түс жақтан Старо-Константинов қаласына жақын келді, және қаланың шет аймақта-рында ұрыстар шиеленістірді. Бұл аудан-да күн тәулік ішінде немістердің 3.000-дай солдатты мен офицері, 25 танкі мен өздігінен жүретін зеңбірегі жойылды. Екінші бір учаскеде немістер 100 шамалы танкін қарсы атакаға шығарды. Танкис-теріміз, артиллерияларымыз бен бронябу-зушыларымыз немістердің 42 танкін өр-теді, қыйратты, сөйтіп гитлершілдерді кері қуып тастады.

Нарва бағытында бір ауданда неміс жаяу әскерлерінің ірі күштері қарсы атакаға шықты. Кеңес артиллериясы мен минометчиктері жауға нәсерлете оқ жауырып, дұшпанды орасан көп шығын-ға ұшыратты. Немістер ұрыс болған жер-де 900дей өлгін қалдырып, тозындап кері шегінді. Немістердің 3 танкі мен өздігінен жүретін бірнеше зеңбірегі қыйратылды.

Авиациямыз дұшпанның шоғырланған әскерлері мен техникасын бомбалап, оны орасан зор шығынға ұшыратты. Бір күн-гі әуе ұрыстарында немістердің 11 само-ләті атып түсірілді. Оның үстіне, екі аэродромда дұшпанның 32 самоләті жо-йылды.

Қызыл тулы Балтық флотының авиация-сы дұшпанның 4 тральері мен бір кү-зет катерін суға батырды.

Қырымда қыймыл жасаушы партизан-отряды дұшпанның керуеніне тап берді. Партизандар кескілескен шайқаста жау-дың осы керуенді басқарып келе жатқан 98 солдатты мен офицерін жер жастантты. Дұшпаннан 407 ат, соғыс жүгі тиелген 108 ат-шана және 78 винтовка қолға түсі-рілді. Каменец-Подольск облысының май-данға жаңсарлас аудандарында қыймыл жасаушы Украин партизандарының отря-

ды неміс оккупанттарға қарсы ұрыста бір роталық гитлершілді қырып салып, жау-дан олжа қолға түсірді.

Немістердің 16-танк дивизиясының 2-танк полкіндағы 1-ротаның Звенигород-канын онтүстік бағыс жағында қолға тү-сірілген ефрейторлары Гергард Линднер мен Гергард Дамм былай деді: «Винница-ның шығыс жағында болған ұрыстарда полкіміз өзінің техникасының көпшілігі-нен айырылды. Январда 1-батальон өз-дігінен жүретін жана зеңбіректер, ал, 3-батальон жана танктер алған еді Январ-дің аяқ шенінде біздің екінші бір танк бөлімімен бірге Звенигородка ауданына жіберді және алдымызға немістердің Кор-сунь-Шевченковский ауданында қоршау-да қалған әскер тобына қайткенде өту міндеті қойылды. Алғашқы күннен баст-ап-ақ орыс артиллериясы бізді орасан көп шығынға ұшыратты. Алайда, офицер-лер «біз қанша шығынға ұшырасақта қоршалған дивизияларды «қақпаннан» шығарып алуға тиіспіз» дегенді айтуден болды. Іс қайғылы аяқталды. Танктеріміз-дің барлығынан дерлік айырылды, сонда да қоршаудағы әскер тобына өте алма-дық».

Неміс-фашист сұрқылардың Каменец-Подольск облысындағы Славута қаласын да істеген жауыздық істері жөнінде тө-менде акты жарияланады: «Гитлершіл сұрқылар оккупация уақытында Славута қаласының және оның маңындағы село-лардың мындаған бейбіт адамдарын азап-тап, соққыға жықты, атып өлтірді. Су-тартағын башняның жапындағы әскерлер тұратын қалада жаппай атып өлтірушілік жүргізілді.

Қала тұрған жерде немістер адамдар жыйналатын орталық лагерь құрып, бұ-ған кеңестің тұтқындағы азаматтарын жө-не оң жақ Украинада соғыста қолға тү-сірілгендерді қамады. Лагерьдің тәртібі кеңес адамдарын қайткенде көптеп қыру-ға бағытталды. Тұтқындағылар тәулігіне тарының ұны мен кебек қосып пісірілген азғана нан және қатықсыз қара көже ал-ды. Кей уақыттарда тұтқындағылар 5-6 күн бойы ешбір тамақ ала алмады. Ла-герьде жұкпалы аурулар етек алды. Сү-зекпен және ішауырумен ауырағандар де-ні сау адамдармен бірге орналастырылды. Тұтқындағылардың өлуі көбейді. Аштық-тан, аурудан, соққыдан және фашист жеңдеттердің қолынан 12.000 кеңес аза-маты қаза тапты. Қызыл Армия бөлімдері Славута қаласын алғанда лагерьде 800дей адам болды. Олардың көпшілігі орында-рынан қозғала алмайтындай жағдайда еді. Оның үстіне, лагерь территориясынан аштықтан өлген тұтқындардың жүздеген өлігі табылды».

Славута қаласының ақтіге қол қойған адамдары: ләрігер Бойцешук, оқытушы Высокая, май заводының қызметкері Фе-дорова, слесарь Енин, ксендіз, Милевский, Славут лагерьіндегі бұрынғы соғыс тұт-қыны Панкин және басқалары.

Жауапты редактор
Ө. ОСПАНОВ.